

NAQQIISSUT

Siunnersuut 13. august 2015-imeersoq taarserpaa

(Tungavilersuut: Inatsisartut Allattoqarfianni inatsilerinermik immikkoortortaani oqaaseqaatit naqqiissutillu iluarsiiSUMMI ilanngunneqarput.

Naqqiissutit pingaarnert nassuiarnert: Oqaatsit ilaat ersarissarneqarput, taamaalilluni qimmit qimuttut qimillu ersarissumik immikkoortissinnaalerlutik kiisalu siunnersuummi oqaatsit aqqiissunneqarlutik. Inatsisissatut siunnersuummi § 17 imm. 5, § 22, § 27, imm. 5 aamma 8, § 39, § 40 aamma § 41, imm. 2 allangortinneqarput. Siunnersuummi siullermi § 38-iusimasoq peerneqarpoq. Naggataagut aalajangersakkani aqqiissuisoqarpoq.)

Uunga siunnersuut: Qimmit qimuttut kiisalu qimmeqarnek qitsuuteqarnerlu pillugit Inatsisartut inatsisaat nr. xx xx 2015-imeersoq)

Kapitali 1*Oqartussaasut*

§ 1. Naalakkersuisut inatsimmi uani qulakkeerinnittussanik peqqussutinik inerteqqutinillu nalunaaruteqartassapput kiisalu inatsik naapertorlugu nalunaarusiortassallutik.

Imm. 2. Naalakkersuisut imm. 1 naapertorlugu pisinnaatitaaffitik tamaasa taakkuluunniit ilaat kommunalbestyrelsimut isumagisassanngortissinnaavaat.

§ 2. Naalakkersuisut, kommunalbestyrelsi inuillu taama immikkut piginnaatitaasut kinaassutsiminnik uppersaateqarlutik eqqartuussivimmillu piginnaatitsissuteqaratik qaqugukkulluunniit pisortat namminersortullu illuutaannik, iniutaannik, angallataannik allagaataanillu navianartorsiortoqarneranik naliliisoqartillugu imaluunniit siunertamik eqquutsitsisoqannginninnissaanik aarlerinaateqarpat takusaasinnaapput paasissutissanik inatsit, inatsilluunniit naapertorlugu malittarisassiat tungavigalugit aalajangiinissanut atugassanik pissarsiniarlutik.

Kapitali 2*Qimmit qimuttut, qimmit qitsuillu pigisat*

§ 3. Qimmit qitsuillu eqqunneqartut tamarmik chip-ilerneqarsimassapput iisartakkat kapuutilluunniit atorlugit imaluunniit pilattaanikkut kinguaassiorsinnaajunnaarsinneqarsimassallutik.

Imm. 2. Iisartakkat kapuutilluunniit atorlugit kinguaassiorsinnaajunnaarsitsineq taamaallaat atorsinnaavoq piginnittut kommuninut uumasunut nakorsalinnut nuuppata, kiisalu uumasut

nakorsaat iisartakkanik kapuutinilluunniit kinguaassiorunnaarsitsinissamut atortunik pisariaqartinneqartunik peqarpat.

Imm. 3. Qimminut qitsunnullu nunatsinnut eqqunneqartunut Naalackersuisut erseqqinnerusunik malittarisassaliorsinnaapput, peqqissusissamut, akiuussutissalersuisimanermut uumasup timimigut eqqarsartaatsimigullu pissusaanut allanut piumasaqaatinittaaq.

§ 4. Qimmip imaluunniit qimmip qimuttup inuttaata isumagissavaa qimmeq sapaatit akunnerinik 8-nik utoqqaassuseqalinnginnerani imaluunniit kingusinnerpaamik perlerornermut akiuussutissaanik siullermik kapitinnerani kommunimut nalunaarsornissaa.

Imm. 2. Qimmip inuttaata isumagissavaa qimmeq sapaatit akunnerinik 8-nik utoqqaassuseqalerpat qungasequtsernissaa, tassani ilisarnaateqassalluni piginnittumut attavissamik paasissutissanik takutitsisumik.

Imm. 3. Qimuttumik qimillip aamma kommunip qimmeqarfissaatut innersuussaani allagartaliissaaq piginnittup attaveqarfissaanik paasissutissartalimmik.

Imm. 4. Kommunalbestyrelsip qimmeq piginnittuanut akiligassanngorlugu nalunaarsortissavaa, qimmeq qimmerluunniit qimuttoq imm. 1 naapertorlugu nalunaarsorneqarsimangippat.

§ 5. Qitsuutillip isumagissavaa qitsuk sapaatit akunnerinik 12-nik utoqqaassuseqalinnginnerani imaluunniit kingusinnerpaamik perlerornermut akiuussutissaanik siullermik kapitinnerani kommunimut nalunaarsornissaa.

Imm. 2. Qitsuup inuttaata isumagissavaa qitsuk sapaatit akunnerinik 12-nik utoqqaassuseqalerpat qungasequtsernissaa, tassani ilisarnaateqassalluni piginnittumut attavissamik takutitsisumik.

Imm. 3. Kommunalbestyrelsip qitsuk piginnittuanut akiligassanngorlugu nalunaarsortissavaa, qitsuk imm. 1 naapertorlugu nalunaarsorneqarsimangippat.

§ 6. Qimminik qitsunnullu nalunaarsuisarnej pillugu malittarisassanik, allagartat isikkussaanut, qimmit qitsuillu chip-ilersinnerinut taakkunungaluk akiliutissanut tunngasunik malittarisassanik Naalackersuisut aalajangersaasinnaapput.

§ 7. Naalackersuisut qinnuteqaateqartoqarneratigut sulinermit atatillugu qimmit innarluutilinnut ikiortaallutik qimmit pigineqarnissaanut akuersaarsinnaapput, naak inatsimmi matumani malittarisassat eqquutsinneqanngikkaluarpataluunniit.

Imm. 2. Naalackersuisut imm. 1 naapertorlugu akuersissuteqarnerminni taamaattumik akuersissuteqarnissamut piumasaqaatit aalajangersorsinnaavaat.

§ 8. Sumiiffiit avatangiisinut peqqinnangissinnaasunut imaluunniit nersutaatinut uninnqatitsivigissallugit naleqqutinngitsutut isigineqarsinnaasunut qimmeqarfiginissaat qitsuuteqarfiginissaallu, katersuuffiginissaat inerteqqutaavoq.

Imm. 2. Naalackersuisut malittarisassiorsinnaapput qimmit qimuttut, qimmit qitsuillu

ataatsimoortinnissaannut tunngasunik, matumani akiuussutissaliinernut, atortorissaarutitut uumasullu taakku ataatsimoortinneqarneranni amerlanerpaanik qassiusinnaanerit pillugu piumasagaatit ilanngullugit.

§ 9. Qimmit qimuttut sisamanik qaammateqalereersimasut kalunnernik pitussimassapput, mattusimaneqarlutik, ungaluukkani mattusimaneqarlutik imaluunniit pituutaqartinneqassallutik. Qimmit qimuttut sulisamanik qaammateqalersimangitsut ungaluukkani illumiluunniit mattusimaneqartassapput.

Imm. 2. Qimmit angerlarsimaffiup avataaniikkaangamik pituutaqartinneqartassapput. Pituutaa ima naatsigissaaq, qimmeq inuttaminut qanittunnguussalluni.

Imm. 3. Imm. 2-imi aalajangersakkanut ilaatinneqanngillat savaatillit qimmii, atorfirmut atatillugu qimmit naalackersugaasut kiisalu qimmit illoqarfiup avataani aallaaniarnermut suliffiulluunniit avataatigut sammisaqarnermut atorneqartut aamma naalackersugaasut.

Imm. 4. Aammattaaq illoqarfiit iluini qimmit angalaannartut imm. 2-mi aalajangersakkanut ilaatinneqanngillat, piginnittuminnit inummilluunniit allamit naalackersorlugit ilagineqartut.

Imm. 5. Qimmit qimuttut, qimmit qitsuillu § 4, imm. 1 aamma § 5, imm. 1 malillugit nalunaarsorneqarsimangitsut kommunalbestyrelsimit inuttassarsiuunneqartassapput.

Imm. 6. Qimmimik piginnittoq nalunaarutiginnittoqareerneratigut imaluunniit inuttassarsiuussisoqareerneratigut qimmimik tigungminnerup, inuttassarsiuunnerata, tigungminerata nerisinneratalu kinguneranik aningaasartuutit ullut 3-t qaangiutinnginneranni akilinngippagit kommunalbestyrelsip qimmeq tunisinnaavaa imaluunniit toqutsissinnaavaa.

Imm. 7. Imm. 6 naapertorlugu qimmimik tunisinermit sinneqartoorutit piginnittumut, qaammatit pingasunngortinnagit nalunaaruni pisinnaatitaaninilu uppersarlugu, tunniunneqassapput, taamaangippat nunatta karsianut nakkartinneqassapput.

Imm. 8. Kommunalbestyrelsi qimminik qimuttunik, qimminik qitsunnullu angalaannartunik tigooraanermut atatillugu aningaasartuutitut matusissutissanik akileeqqusisinnaavoq. Piginnittoq taamatut akiligassanik akileeqqusisoqalersinnagu siumut ilimasaarneqqaartassaaq.

Imm. 9. Qimmit qimuttut, qimmit qitsuillu angalaannartut allanut ulorianartorsiorfitsivissortut kommunalbestyrelsimit sukkulluunniit toqutsinneqarsinnaapput piginnittoq taarsiiviginagu piginnittumullu akiliisussanngortitsilluni.

§ 10. Kiisortunik qimuttunik qimmeqarnissaq imaluunniit nalinginnaasunik qimmeqarnissaq inertequtaavoq. Qimmit kiisortut tassaapput qimmit qimuttut nalinginnaasulluunniit pissusilersormikkut pissusissamisunngitsumik ulorianartut imaluunniit tatiginangitsutut isigineqartariaqartut tassa inunnik nersutinillu kiisisaramik kiiseriartarlutilluunniit.

Imm. 2. Qimmeq qimuttoq qimmerluunniit nalinginnaasoq upanninnikkut allatulluunniit nalinginnaangitsumik navianartumillu pissusilersornikkut inunnik uumasunilluunniit allanik kiiserujussuarsimasoq kommunalbestyrelsit akulerunnerisigut ingerlaannaq toqunneqartassaaq piginnittumit akilerneqartussamik.

Imm. 3. Qimminik qimuttunik qimminilluunniit nalinginnaasunik paannitsitsisarneq inertequtaavoq taamatullu qimmerisamik taamaattunut peqataatitsisarneq.

Imm. 4. Qimminut qimuttunut qimminilluunniit nalinginnaasunut tunngasunik suliaqarsinnaatitaaneq pineqaatissiinikkut killeqanngitsumik imaluunniit piffissamik killilikkamik arsaarinnissutigineqarsinnaavoq, pineqartoq :

- 1) qimmiminik qimuttunik qimminilluunniit nalinginnaasunik inunnik uumasunilluunniit saassussititsisimappat qunusaaruteqarsimappalluunniit,
- 2) qimmini qimuttoq qimminiluunniit nalinginnaasoq inunnik uumasunilluunniit saassussisoq paasereeraluarlugu unitsinniarlugu iliuseqarsimanngippat, imaluunniit
- 3) qimminik paatitsisarsimappat, imaluunniit
- 4) uumasunik illersuineq pillugu Inatsisartut inatsisaannik malinnissimanngippat.

§ 11. Qimmiutilik qimuttunik qimminilluunniit nalinginnaasunik qitsuutililluunniit uumasuutimi ajoqusigaannut qaqugukkulluunniit taarsiisussaataavoq.

Imm. 2 Ajoquserneqartoq ajoqusiinermut peqqutaaqataasimappat imaluunniit mianerinnngitsumik pissusilersorsimappat taarsiissut millineqarsinnaavoq imaluunniit atorunnaarsinneqarsinnaavoq.

Imm. 3. Naalackersuisut qimminut qimuttunut qimminullu nalinginnaasunut qitsunnullu akisussaannermut sillimmasiinermut malittarisassanik aalajangersaasinnaapput.

§ 12. Kalaallit Nunaannut imaluunniit sumiiffinnut erseqqinnerusumik taaneqartunut qimminik naggueqatigiinnik aalajangersimasunik aamma qimminik ulorianaateqarsinnaasunik, ersiortitsisinnaasunik imaluunniit paarilluarneqarsinnaanngitsunik pigisaqaqqusinnginnermik Naalackersuisut maleruagassanik aalajangersaasinnaapput.

Imm. 2. Naalackersuisut imm. 1 naapertorlugu pigisaqaqqusinnginneq nunat immikkoortuinut nassuiagaanerusunut killilersinnaavaat.

Imm. 3. Qimminik makkuninnga piginninneq, eqqussineq piaqqiortitsinerlu inertequtaavoq:

- 1) Pitbull terrier.
- 2) Tosa inu.
- 3) Amerikarmiut staffordshire terrieriat.
- 4) Fila brasileiro.
- 5) Dogo argentino.
- 6) Amerikarmiut bulldogiat.
- 7) Boerboel.
- 8) Kangal.
- 9) Aasiap qiterpasissuanit ovtcharka.
- 10) Kaukasiamit ovtcharka.
- 11) Ruslandip kujataanit ovtcharka.
- 12) Tornjak.
- 13) Sarplaninac.

Imm. 4. Imm. 3-mi inerteqqut aamma atuuppoq qimminut qimminit qulaani taaneqartunit akuneqarsimasunut.

Imm. 5. Inuussutissarsiutiginissaa siunertaralugu qimminik imm. 1 malillugu malittarisassaataasunut ilaasunik eqquassinissaq inerteqqutaavoq.

§ 13. Qimmit § 12, imm. 3-mik imaluunniit § 12, imm. 1 malillugu malittarisassaataasunik unioqqutitsilluni pigineqartut, eqqunneqartut kinguaassiarineqartut nersummik piginnittumut taarsiinertaqanngitsumik piginnittullu akiligassaanik toqunneqartassapput.

Imm. 2. Qimmeq qimminut § 12, imm. 3 aamma 4-mut ilaatinneqartunut ilaanersoq taakkuninngaluunniit akusaanersoq nalornissutigineqarpat piginnittup qimmip qimmeqatigiinnit sorlerneersuuneranik suuneranilluunniit uppersaanaissaa Naalackersuisut § 12, imm. malillugu piumasarisinnaavaat.

Imm. 3. Piginnittoq ingerlaannartumik qimmip suussusianik qanoq ittuussusianilluunniit naammattumik uppersaataasunik saqqummiussinngippat, takuuk imm. 2, politiit qimmip arsaarinnissutigineqarallarnissaa siunertaralugu iliuuseqarsinnaapput, ima pisoqaratarsinnaassappat piginnittup qimmeq uppersaataasunik pisariaqartinneqartunik takutitassaartoqalersinnagu peersinniaaraa.

Imm. 4. Arsaarinnissuteqarallarnermut atatillugu aningaasartuutaajunnartut imm. 3 naapertorlugu piginnittumit akilerneqassapput.

Imm. 5. Naalackersuisut imm. 3 malillugu arsaarinninnerup kingornatigut qimmip § 12, imm. 3-mi imaluunniit § 12, imm. 1 malillugu malittarisassani atuuttuni qimminut taakkuninngaluunniit akusanut ilaannginneranut piginnittup naammattunik uppersaataasunik saqqummiussinissaanut pissutsit malillugit naammaginnartumik piffissaliillutik aalajangiissapput.

Imm. 6. Piginnittoq imm. 5 malillugu piffissaliussatut aalajangikkap iluani qimmip § 12, imm. 3-mi imaluunniit § 12, imm. 1 malillugu malittarisassani atuuttuni qimminut taakkuninngaluunniit akusanut ilaannginneranut naammattunik uppersaataasunik saqqummiussisimangippat qimmeq § 12, imm. 3-mi inerteqqummut ilaasutut isigineqassaaq.

§ 14. Qimmeq qimuttoq qimmerluunniit nalinginnaasoq qiluttuarnermigut miaggoortuarnermigulluunniit eqqaamiorisanik akornusersuippat kommunemut naammagittaalliortoqarsinnaavoq. Kommunalbestyrelsit piginnittoq peqqusinnaavaat qimmeq qimuttoq qimmerluunniit nalinginnaasoq mattusimaqqullugu imaluunniit taamaaliorneq naammangippat imaluunniit qimmeq qimuttoq qimmerluunniit nalinginnaasoq mattusimaneqareerpat piginnittumut taarsiissuteqarani qimmeq qimuttoq qimmerluunniit nalinginnaasoq peersillugu piginnittumullu akiligassanngortillugu.

Imm. 2. Imm. 1-imi aalajangersagaq qimminut qimuttunut kommunip inissiivissatut innersuussaanut innersuunneqarsimasunut atuutinngilaq.

Kapitali 3

Qimmiutigineqartut qimuttut qimmillu nalinginnaasut qitsuutigineqartullu kommunini

§ 15. Kommunalbestyrelsip kommunimi qimminut qimuttunut qimminulluunniit nalinginnarnut qitsunnullu ileqqoreqqusaq suliarivaa.

Imm. 2. Naalackersuisut imm. 1-imi malittarisassat suliarineqarnerannut atatillugu malittarisassat aaliangertarpaat.

Imm. 3. Imm. 1-imi taaneqartut atuutilinnginnerini Naalackersuisunit akuerineqaqqaartassapput.

Kapitali 4

Qimmit qimuttut, qimmiutit qitsuutillu paaqutarineqartarnerat

§ 16. Qimmit qitsuillu isumannaatsumik pineqassapput anniaatinut, naalliuutinut kiisalu ersinermut sapinngisamik pitsaanerpaamik illersorneqassallutik.

Imm. 2. Piginnittoq pisussaavoq qimmimi qimuttup, qimmimi nalinginnaasup qitsuulluunniit uumasut nakorsaanniinneranni qanoq pineqarsimaneranik ilisimasaqassalluni taamatutaaq isumannaarlugu uumasup tassaniinnermini naalliutsinneqannginnissaa.

§ 17. Kialluunniit qimmeqarlunilu qitsuuteqartup taakku peqqissaartumik paarineqarnissaat, taamatutaaq nerukkarneqartarnissaat isumagissavaa, kiisalu imertinneqartarnissaat aamma timimikkut, pissusilersormikkut peqqinnissamikkullu pisariaqartitaat eqqarsaatigalugit periaatsit akuerisaasut aamma ilisimatuussutsikkut misilittakkat naapertorlugit paarineqarnissaat.

Imm. 2. Qimmit qitsuillu panertumik nallavissaqartinneqassapput kiisalu anorimut, silamut seqinermullu assiaquserneqassallutik.

Imm. 3. Kialluunniit qimmeqarlunilu qitsuuteqartup taakku ikinnerpaamik ullormut ataasiarlugit takusarneqartarnissaat isumagissavaa.

Imm. 4. Qimmit qimuttut qimmilluunniit nalinginnaasut qitsuillu mattusimajuaannarlugit qimmit qitsuulluunniit ineeraanni aalasinnaajunnaarsillugit pineqassanngillat.

Imm. 5. Angajoqqaatut akisussaasoq meeqqami qimminik qimuttoqarnera, qimmeqarnera qitsuuseqarneralu akisussaaffigaa, inatsimmilu uvani imaluunniit malittarisassani inatsit malillugu aalajangersarneqartuni meeqqamiit unioqqutitsisoqarsimappat akisussaasuulluni meeqqap 16-inik ukioqalernissaata tunngaanut. Angajoqqaatut akisussaasoq pinerluttulerinermut inatsit tunngavigalugu akisussaatinneqarsinnanngilaq.

§ 18. Qimmit pitussimajuaannarlugit pineqassanngillat.

Imm. 2. Qimmeq pitussimaguni pituutaa minnerpaamik 5 m-iussaaq. Qimmit qimuttut kalunnernik pituutaat naannerpaamik 3 meteriussaaq, imalu ikkunneqarsimassalluni, siaarsimatillugu qimmimut imaluunniit qimmeqatigiinnut marlunnut naannerpaamik 1 meterimik ungasissuseqassalluni.

Imm. 3. Qungasequt siunertamut naapertuutissaaq qimmerlu pisariaqanngitsumik anniartinnagu iluaalliortilluguluunniit. Ningavinnermik pitutsisoqassanngilaq, tinumasulinnik innaallagiaqartartumilluunniit qungasequtsiisoqassanani.

Imm. 4. Qimmit ersarutillit nakkutigineqassapput, siviisuumillu qimassimaneqassanatik.

Imm. 5. Kalunnerit ikinnerpaamik marlunnik ajunngitsunik qipisoqassapput.

Imm. 6. Kalunnerit atorneqartut apinerani takissusaat aaqqinneqarsinnaassapput.

Imm. 7. Qimmeq sialummut, anorimut issimullu oqquiffissaqassaaq. Oqquiffissaq qimmip inerippagu ima portutigissaq qimmeq kingulliiminik nikuissinnaassalluni.

§ 19. Qimmit qimuttut qimuttoqarfimmiittut ataatsimoortinneqassapput. Qimmeqatigiit qimuttut ataatsimoortut ikinnerpaamik marluupput.

Imm. 2. Imm. 1-imi aalajangersagaq apeqqutaatinnagu kommunalbestyrelsi Uumasunut Nakorsa qarfik Inuussutissalerinermullu Oqartussaaffik isumasioreerlugu ataasiinnarmik qimmimik qimuttumik peqarnissamut akuersisoqarsinnaavoq, tamanna qimmip innarlerneqannginnissaanut illersorneqarsinnaappat.

§ 20. Qimminik qimuttoqarfinni taamaallaat aasaanerani qeqertanut qimmilisoqarsinnaavoq.

Imm. 2. Qeqertanik qimuttunik qimmilivinnik atuineq Uumasut Nakorsa qarnerannut Inuussutissalerinermullu Oqartussaasunit akuersissutigineqartussaavoq.

Imm. 3. Qeqertat qimmiliviginissaanut piunasaqaatit makku naammassineqarsimassapput:

- 1) Qimmit qimuttut imissaqartinneqartuaannassapput.
- 2) Qeqertami qimminik qimuttunik piginnittumut attavissamik ersarissumik allagartaqassaaq.
- 3) Qimmit qimuttut ullut tamaasa takusarneqartassapput, nerukkarneqartarlutik imertinneqartarlutillu.

§ 21. Qimmit qimuttut aamma qimmit nalinginnaasut uumasut nakkutigineqartinnagit qimannissaat sukkulluunniit inertequtaavoq.

Imm. 2. Qimmit qimuttut qimillu nalinginnaasut qitsuillu uumatillugit nuunnermi aallarnermiluunniit naammattumik nakkutilliisoqartinnagit qimaannarneqarnissaat inertequtaavoq.

Kapitali 5

Qimussimik sukkanniunnerit il.il.

§ 22. Qimussimik sukkaniunnermi imaluunniit unamminermi qimmit qimuttut qimilluunniit nalinginnaasut qimmip sananeqaataa pissusaalu isiginiarlugit ingerlanneqassapput. Qimminik qimuttunik qimminilluunniit nalinginnaasunik sukkaniunnermi unamminermiluunniit allami peqataasussanut sungiusaanermi aamma taamaappoq. Qimminut sukkaniuteqataasunut makku aamma naammassineqarsimassapput:

- 1) qimmit peqataasut tamarmik perlerornermut, qimmit nappaataannut parvovirusimullu akiuussutissineqarsimassapput akiuussutissanik suliamut naapertuuttumik, piginnittup qimmit akiuussuserneqarsimanerannut tamanut uppersaateqassalluni,
- 2) qimmit peqataasut tamarmik minnerpaamik 18-inik qaammateqalereersimassapput,
- 3) qimmit peqataasut allagartalerneqarsimassapput attavissamut paasissutissartalimmik, aamma
- 4) ilumissanngillat milutsitsisuunatillu.

Imm. 2. Qimmeq qimuttoq qimmerluunniit nalinginnaasoq sukkaniunnermut unamminermulluunniit peqataasoq sukasaatissaanik tuneqqusaanngilaq, matumani uumasut

nakorsaataannik, inuit nakorsaataannik, nerisaasa nakorsaatinik akuneqarnissaannik, nerukkaatissanik kimittorsakkanik, nerisaannut tapertaasunik, vitamininik, proteinpulverinik allanilluunniit qimmip timimigut, qasujaassusaanut sungiusarnermi sukkaniunnermiluunniit iluaqutigisinnaasaanik tuneqqusaanani.

Imm. 3. Passussinerit nipaallisaatit siunertallit aamma nappaammik nalinginnaasumilluunniit sunniinermik kingunilimmik passussinerit pissanngillat piffissami sukkaniunnermi pisinnaasaanik sunniisinnaasunik, tak. imm. 1.

Imm. 4. Uumasunut nakorsaait sukkaniunnermi qimmimut qimuttunut qimminulluunniit nalinginnaasunut taamaallaat tunniunneqarsinnaapput uumasut nakorsaata qimmimut qimuttumut qimmimulluunniit nalinginnasumut aalajangersimasumut atilimmut tunniussimappagit.

Imm. 5. Passussinerit kinguartinneqarsinnaanngippata uumasullu nakorsaata takkunnissaa utaqqineqarsinnaanngippat, taamaallaat nakorsaait qimmimut qimuttumut qimmimulluunniit nalinginnaasumut aalajangersimasumut tunniussaangitsut atorneqarsinnaapput uumasut nakorsaata aatsaat tamatuminnga ilisimatinneqarpat.

Imm. 6. Naalackersuisut sukasaatinik atuinermut nakkutilliinissamut malittarisassanik ersarinnerusunik aalajangersaasinnaapput, kiisalu sukkaniunnermi uumasunik nakkutilliinissamut misissuinissamullu tunngasut ilanngullugit eqqarsaatigalugit.

§ 23. Qimminik qimuttunik sukkaniuffinnut sukkaniuffinniillu assartuinerni qimmit atugarissaarnerat eqqarsaatigalugu ingerlanneqassapput, kiisalu qimminik allanik paannittoqannginnissaa pisariaqanngitsumillu qimminut allanut attaveqannginnissaat aamma eqqarsaatigalugit.

Imm. 2. Nalunaaquttap akunnerinik arfinilinnik sivisunerusumik angalasoqassatillugu qimmit imermik imersinnaassapput.

Imm. 3. Sukkaniuffimmit sukkaniuffimmullu qimminut angalanissamut pilersaarutit Uumasunut Nakorsaqaarnikkut Inuussutissalerinermilu Oqartussanut piginnittumit ilisimatitsissutigineqassapput.

Imm. 4. Sukkaniuffimmut sukkaniuffimiillu qimminik assartuinissamut malittarisassanik ersarinnerusunik Naalackersuisut aalajangersaasinnaapput.

§ 24. Qimmit qimuttut sukkaniunnermi ilattoornerit pequtaallutik pituussaarneqarsimappata qimmit akunnerit sisamat iluini piginnittumit tigoqqinneqarsimassapput. Sukkaniunnermik aqutsisup pisussaaffigaa qimminik pituussaarsimasunik katersinerup illersorneqarsinnaasumik sukkasuumillu pinissaa qulakkiissallugu qimmillu tigooraneqartut ajoquserneqannginnissaat.

Kapitel 6

Qimminik qimuttunik, qimminik qitsunnillu toqutsisarneq

§ 25. Qimmiminik qitsuumminilluunniit toqutsiniartup sapinngisamik sukkasuumik anniartitsinertaqanngitsumillu toqunneqarnissaat qularnaassavaa.

Imm. 2. Imaani imermiluunniit ipititsinikkut, qimitsinikkut nivinngaanikkulluunniit toqutsineq inerteqqutaavoq.

Imm. 3. Naalackersuisut qimminik qimuttunik qimminillu nalinginnaasunik qitsunnillu toqutsineq pillugu malittarisassiorsinnaapput.

§ 26. Pilattaanerit qimminut qimuttunut, qimminut qitsunnullu naalliuutaasinnaasut, anniaatit annikitsut sivikitsuinnaallu pinnagit, taamaallaat uumasut nakorsaannit suliarineqarsinnaapput, ajornartorsiulersimasoqanngippat.

Imm. 2. Qimmip qimuttup, qimmip qitsuulluunniit isikkua allanngortinniarlugu pilattaasoqassanngilaq.

Imm. 3. Pamiut siutilluunniit nuuinik eqeqqusaanik qitsusaanillu kipisineq inerteqqutaavoq, nappaatit pissutigalugit uumasut nakorsaat taamaaliunngippat.

Imm. 4. Atortulersorluni allatulluunniit iliorluni qimmit kigutaannik ajoqusiinissaq inerteqqutaavoq.

Imm. 5. Qitsuit kukiinik pilattaanikkut allatulluunniit iliorluni peersinissaq inerteqqutaavoq.

Kapitali 7

Kalaallit qimmiannik qimuttumik naggueqatigiittut illersuineq

§ 27. Inatsimmi matumani qimuttunik qimmeqarfittut paasisariaqarpoq Kitaata sineriaani, Kalaallit Nunaata Avannaani sumiiffiup allorniusap sanimukartup 66-iata avannaatungaa, kiisalu Tunu tamakkerlugu kujammut Nunap Isuata kangia angullugu allorniusap 44 kangianut.

Imm. 2. Qimuttunik qimmeqarfik kalaallit qimmiinut qimuttunut taamaallaat atuuppoq.

Imm. 3. Qimminik qimuttoqarfimmut qimminik racenik allanik sunilluunniit eqquassinissaq inerteqqutaavoq.

Imm. 4. Imm. 3-mi aalajangersakkat apeqqutaatinnagit qimmit sulisinneqartartut qimmillu innarluutillit ikiortaat qimuttoqarfinniittut qinnuteqaateqartoqarneratigut Naalackersuisut akuersinnaavaat tamakkunungalugu qimminut aalajangersimasunut piumasaqaataasut aalajangersarsinnaallugit.

Imm. 5. Immikkut ittumik taamaallaat qimmit qimuttut eqquteqqinneqarsinnaapput qimmit qimuttut qimuttoqarfimmit sakkutuut sulinerannut sungiusarnerannullu atatillugu, politiit sulinerannut sungiusarnerannullu atatillugu, kulturi eqqarsaatigalugu angalasoqarsimatillugu, aallaaniarnermut piniarnermullu atatillugu kiisalu ilinniarnermut atatillugu angalasimanermut atatillugu anninneqarsimasunut.

Imm. 6. Qinnuteqaat Naalackersuisunut tunniunneqareersimassaaq qimmit qimuttut qimuttoqarfinnit annisinnginneranni.

Imm. 7. Qimmit qimuttut ilumittut, qimmit qimuttut piaqqanik milutsitsisut imaluunniit qimmit qimuttut qimuttoqarfiup avataani piaqqisimasut eqquteqqinnissaannut akuersissummik tunniussisoqarsinnaanngilaq.

Imm. 8. Anninneqarsimasut qinnuteqarnikkut eqquteqqinneqarnissaannut akuersinissamut sinaakkutissanik Naalackersuisut aalajangersaasinnaapput, eqquseqqinnissamut

piumasaqaatit akuerineqarsimappata, ilaatigut piaqqiorsinnaajunnaarsinneqarsimappata kiisalu uppersarneqarsinnaappat qimmeq kalaallit qimmerigaat qimuttoq.

Imm. 9. Sumiiffinnut allanut qimuttoqarfiunngitsunut kalaallit qimmiinik qimuttunik eqqussinissaq inerteqqutaavoq.

§ 28. Kalaallit qimmii anisuumik mannissanilluuniit nuutsivigineqassapput aatsaat Naalackersuisut immikkut akuersissuteqarnerisigut.

Imm. 2. Kalaallit qimmii anisuumik mannissanilluuniit nuutsivigineqassapput qimmit racet sorliit tassunga atorneqassanersut Naalackersuisut malittarisassiornerisigut.

Kapitali 8

Nakkutilliineq il.il.

§ 29. Naalackersuisut qimminik qitsunnillu nakkutilliilersitsisinnaapput, taamatuttaaq paasissutissanik katersisitsisinnaallutik nalunaarsuisitsisinnaallutillu, misissugassanik peersisitsisinnaallutik kiisalu tamatumunnga atatillugu nalunaaqutsersuisitsisinnaallutik nalunaarsuisitsisinnaallutillu.

Imm. 2. Qimminik qitsunnillu imm. 1-imik taaneqartunik piginnittut inatsit naapertorlugu misissuisoqarnerani misiligutissanillu tigusisoqarnerani allatulluuniit iliortoqarnerani pisariaqarnera naapertorlugu akilerneqaratik ikiuutissapput.

Kapitali 9

Qimminik qimuttunik, qimminik qitsunnillu niuerneq il.il.

§ 30. Naalackersuisut aatsaat akuersissuteqarenerisigut qimmit ineqarfinnik, angerlarsimaffinnik, napparsimavinnik, paaqqinnittarfinnik, qimmit qitsuillu uninnqavigisartagaannik assigisaannillu pilersitsisoqarluni ingerlatsisoqarsinnaavoq.

Imm. 2. Naalackersuisut imm. 1 malillugu akuersissuteqartarnermut piumasaqaatit atungassaritallu erseqqinnerusut aalajangersarsinnaavaat.

§ 31. Inuk qimmeqatigiinnik qitsoqatigiinnilluuniit marlunnik amerlanernilluuniit ukiumut piaqqiortitsisartoq qimmeqarfiutilittut qitsuuteqarfilitulluuniit isigineqassaaq.

Imm. 2. Naalackersuisut qimminut ineqarfiit iluarsaannissaannut malittarisassaliorsinnaapput, taamatuttaaq peqqissutsimut, atortulersuutinut taamatullu kinguaassiornermut piumasaqaatinik tulliullugulu qimminik qimmiqqanillu aamma qitsunnik uumasut nakorsaannit suliarinnittarnermut malittarisassaliorsinnaapput.

Imm. 3. Naalackersuisut qimminik qimuttunik, qimminik qitsunnillu allisaanissamut inerteqquteqarsinnaapput inunnut qimmit ineqarfiinik ingerlatsinermut piumasaqaatinik nammassinninngitsunut.

§ 32. Inuit, ingerlatseqatigiiffiit, peqatigiiffiit il.il. qimminik qimuttunik nalinginnaasunillu qimmeerniartut qitsuerniartullu tuniniaanerminnik oqartussaasunut nalunaarutiginninnissaat,

kiisalu pisiainnik tunisainnillu nalunaarutiginninnissaat pillugu Naalakkersuisut malittarisassiorsinnaapput. Tamanna inuussutissarsiutigalugu inuussutissarsiutiginalugu tuniniaasunut atuuppoq.

§ 33. Qimmiaqqat sapaatit akunneri 8-t inorlugit utoqqaassusillit tuniniaqqusaanngillat, tunniuteqqusaanatik imaluunniit eqquteqqusaanatik.

Imm. 2. Qitsuaqqat sapaatit akunneri 12-it inoraat tuniniaqqusaanngillat, tunniuteqqusaanatik imaluunniit eqquteqqusaanatik.

§ 34. Qimmit qitsuillu angallanneqarneri, aamma tamatuma uppenarsaatitaqartinneqarnissaa pillugu Naalakkersuisut malittarisassiorsinnaapput.

Kapitali 10

Nakkutilliineq uparuaanerlu

§ 35. Kialluunniit qimmeq qimuttoq, qimmeq qitsulluunniit § 16-imi aalajangersakkanut naapertuutinnngitsumik pineqarsoriguniuk, tamanna Naalakkersuisunut ingerlaannartumik nalunaarutigissavaa.

Imm. 2. Naalakkersuisut imm. 1 naapertorlugu nalunaarutiginninneq tunngavigalugu naliliissapput aalajangersakkat § 16-imiittut unioqqutillugit nakorsaasersuisoqarsimanissaanik ilimatsaassisoqarsinnaanersoq.

§ 36. Qimmit qimuttut, qimmit nalinginnaasut qitsuilluunniit § 16-imi aalajangersagaq naapertorlugu eqqunngitsumik pineqarpata akisussaasoq uumasup peqqissarlugu passunneqarnissaanik Naalakkersuisut piunasaqarsinnaapput.

Imm. 2. Qimmeq qimuttoq, qimmeq nalinginnaasoq qitsulluunniit napparsimappat iluarsineqarsinnaanngitsumilluunniit ajoqusersimappat Naalakkersuisut qimmip qitsuilluunniit toqunneqarnissaanik peqqusisinnaapput qimmeq qitsulluunniit uumaannassaguni naalliuppallaassappat.

Imm. 3. Peqqussut imm. 1 aamma 2 naapertorlugu allaganngorlugu piginnittumut nalunaarutigineqassaaq.

Imm. 4. Imm. 1 aamma 2 malillugit peqqussummik nalunaaruteqartoqartinngit Naalakkersuisut akisussaalluni piginnittumik oqaaseqartitseqqaartassapput.

Imm. 5. Uumasup naalliukkunnaarsinneqarnissaa pissutigalugu imaluunniit akisussaasoq aallarsimasutut naatsorsuutigineqarpat pisariaqarnera naapertorlugu imm. 3 aamma 4-imi aalajangersakkat atortinnginneqarsinnaapput.

Imm. 6. Imm. 2 naapertorlugu toqutsineq uumasup piginnittuanut taarsiinertaqanngitsumik pissaaq.

§ 37. Qimmimik qimuttumik qimmimilluunniit nalinginnaasumik qitsumilluunniit piginnittup § 36, imm. 1 malillugu peqqussut malinngippagu, Naalakkersuisut nersutip paaqutarineqarnissaa isumagisinnaavaat, taamatuttaaq nersut allamut inissillugu imaluunniit

nersut toqutsillugu piginnittumut taarsiinertaqanngitsumik aamma piginnittup akiligassaanik. § 36, imm. 2 malillugu peqqussut malinneqanngippat Naalakkersuisut nersut toqutsissinnaavaat piginnittumut taarsiinertaqanngitsumik aamma piginnittup akiligassaanik.

Imm. 2. Naalakkersuisut isumaqarpata. nersutip timikkut tarnikkullu peqqissusia ima ajortigisoq illersorneqarsinnaassanani piginnittup peqqussummik malinninnissaata utaqqinissaa, Naalakkersuisut ingerlaannartumik nersut peersissinnaavaat allamullu inissillugu imaluunniit toqutsillugu piginnittumut taarsiinertaqanngitsumik piginnittullu akiligassaanik. Arsaarinnineq, inissiineq toqutsinerlu piginnittup akilissavaa piginnittumut taarsiinertaqanngitsumik.

Kapitali 11

Pineqaatissiissutit

§ 38. Naalakkersuisut. qimmimik qitsummilluunniit piginnittumut pinngitsaaliinikkut akiliisussanngortitsisinnaapput § 3, § 4, imm. 1-3, § 5, imm.1-2, §§ 6, 8, § 9, imm. 1-2, § 10, imm. 1 aamma 3, §§ 12, 16, 17, 18, § 19, imm. 1, §§ 20-26, § 27, imm. 3 aamma 7, §§ 30-34, § 36, imm. 1-2 malillugit peqqussutit imaluunniit inerteqqutit imaluunniit taakku malillugit malittarisassat atuuttut malinneqalernissaasa tungaannut.

§ 39. Akiligassiissutit pisarput unioqqutitsinerit uku malillugit pigaangata:

1) Aalajangersakkat § 3, imm. 1-2, § 4, imm. 1-3, § 5, imm. 1-2, § 8, imm. 1, § 9, imm. 1-2, § 10, imm. 1 aamma 3, § 12, imm. 3-5, §§ 16, 17, 18, § 19, imm. 1, § 20, imm. 1-2, § 21, § 22, imm. 1-4, § 23, imm. 1-3, § 24, § 25, imm. 1-2, § 26, § 27, imm. 3, § 27, imm. 9, § 28, imm. 1 § 29, imm. 2 § 32-33

2) Inatsisit atulersinneqarput uku naapertorlugit § 6, § 22, imm. 6, § 23, imm. 4, aamma § 25, imm. 3, § 31, imm. 2, § 34, imaluunniit

3) Inerteqqut atulersinneqarpoq una naapertorlugu § 31, imm. 3.

Imm.2. Taakku malillugit malittarisassani aalajangersakkanik unioqqutitsisoq akiliisussanngortillugu pineqaatissinneqassaaq. Immikkut sakkortuumik uteqqiattumilluunniit aalajangersakkanik unioqqutitsisoqartillugu Kalaallit Nunaanni pinerluttulerinermut inatsit malillugu pineqaatissiisoqarsinnaavoq.

Imm. 3. Inatsisit malittarisassalluunniit atuuttut malillugit akiliisitsiniartoqarnerani pinerluttulerinermut Inatsimmi Kalaallit Nunaannut atuuttumi maleruagassat malillugit inuk inatsisit malillugit akisussaatinneqartoq akiliisinneqarsinnaavoq.

Imm. 4. Uani inatsimmik aalajangersakkanik sorraatsumik imaluunniit nangeqqittumik unioqqutitsisoqartillugu sukkulluunniit qimuttunik qimmeqarnissamut, qimmeqarnissamut qitsuuteqarnissamulluunniit inerteqqummik pineqaatissiisoqarsinnaavoq.

Imm. 5. Imm. 3 naapertorlugu nersutaateqarnissamut imaluunniit nersutaatinik suliaqarnissamut inerteqqummik pineqaatissiineq qaqugumulluunniit atuuttussanngorlugu imaluunniit piffissamik aalajangersimasumik sivilisussilerlugu pisinnaavoq.

§ 40. Akiligassiissutit, matumanilu Inatsisartut inatsisaat malillugu tassanngaluunniit malittaasumik pinngitsaaliilluni akiligassiissutit Nunatta Karsianut nakkartinneqassapput.

Kapitali 12

Atuutilertera il.il.

§ 41. Inatsit 1. januar 2016-imiit atuutilissaaq.

Imm. 2. Peqatigitillugu atuukkunnaarsinneqarpoq Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq.

Imm. 3. Inatsisartut inatsisaat imm. 2-mi taaneqartoq malillugu malittarisassat maannamut atuuttussanngortitat atuutiinnassapput Inatsisartut inatsisaanni tassani atuukkunnaarsinneqarnissamik allanngortinneqarnissamilluunniit tungaanut.

Imm.4. Kommuni qimmeqarneq qitsuuteqarnerlu pillugit peqqussutit atuutiinnassapput inatsimmi matumani § 15 malillugu malittarisassiarineqartunit taarserneqarnissamik tungaanut.

§ 42. Inuit 1. januar 2012 sioqqullugu qimminik § 12, imm. 3-mut ilaasunik eqqussisimasut, taakkuninnga piginniinnarsinnaapput:

- 1) qimmit taamaattut tunniunneqanngippata, aamma
- 2) qimmit kikkunnik tamanik orninneqarsinnaasumiitillugit takinerpaamik 2 meterinik pituutaqartinneqarpata ersaruserneqarsimallutillu.

Kalaallit Nunaanni Namminersorlutik Oqartussat Ulloq xx xx 2015.

Kim Kielsen